

Na temelju čl.17., čl.18. i čl.19. Statuta Kinološkog saveza u Bosni Hercegovini (u daljnjem tekstu, skraćeno KSuBiH), Upravni odbor KSuBiH na svojoj sjednici održanoj u Banja Luci, dana 10.03.2016. godine usvaja:

## **PRAVILNIK O NAČINU PRIJEMA RASNIH KLUBOVA U ČLANSTVO KSuBiH I PRAVIMA I OBVEZAMA ČLANOVA**

### **OPŠTE ODREDBE**

#### **ČI.1.**

Pravilnik o načinu prijema rasnih klubova u članstvo Kinološkog saveza u Bosni i Hercegovini je normativni akt kojim se regulišu stručna pitanja o radu KSuBiH, članica KSuBiH kao i rasnih klubova koji su članice u krovnoj organizaciji KSuBiH.

#### **ČI.2.**

Kinološki savezi, njihove članice i državni rasni klubovi KSuBiH će doslijedno sprovoditi i primjenjivati odredbe Pravilnika u svojim osnovnim kinološkim organizacijama na području svog djelovanja.

#### **ČI.3.**

Pravilnik je podložan promjenama shodno iskustvima i praćenju postignutog na polju kinologije, te će se mijenjati u cilju daljnjeg napretka rada i usavršavanja kinologije uopšte.

#### **ČI.4.**

Pravilnikom se osigurava otvorenost za članstvo bilo kojem rasnom klubu koji djeluje u Bosni u Hercegovini u skladu sa svim pravilima i propisima KSuBiH i odredbama FCI-a, te određuje postupak sticanja prava člana u krovnoj organizaciji KSuBiH.

### **RASNI KLUB**

#### **ČI.5.**

Rasni klub je takvo kinološko udruženje koje se osniva s ciljem unapređenja cjelokupne (FCI) grupe pasa i/ili pojedine rase unutar (FCI) grupe i/ili autohtonih rase određene države/a.

#### **ČI.6.**

Rasni klubovi registrovani su kod nadležnog tijela državne uprave i imaju svoj pravn identitet .

#### **ČI.7.**

Rasni klubovi koji su u članstvu KSuBiH (u daljnjem tekstu DPK) i djeluju na državnom nivou i svoje proklamovane ciljeve i program realizuju preko kinoloških udruženja, kinoloških klubova i uzgajivačnica na području BiH.

#### **ČI.8**

DPK se mogu učlanjivati u međunarodne rasne organizacije na osnovu odluke Upravnog odbora KSuBiH.

#### **ČI.9.**

DPK čini najmanje jedan subjekt iz svake od članica KSuBiH (klub, udruženje,uzgajivačnica) i rade u skladu s pravilima i propisima mjesnog nadležnog kinološkog Saveza. Članstvo u DPK je slobodno. Upravna struktura DPK formira se shodno upravnoj strukturi KSuBiH.

#### Čl.11.

Članice DPK svoja neposredna prava i dužnosti realizuju u matičnom, mjesno nadležnom Savezu, kroz rasni klub ili kinološku organizaciju u mjestu stanovanja. Neposredna prava odnose se i na:

- izrade rodovnica,
- prijave i sticanje odobrenja za manifestacije,
- angažovanje stručnih kadrova i sudija, odnosno sudijske liste.

#### Čl.12.

DPK se može osnovati:

- na inicijativu KSuBiH,
  - na inicijativu neke od članica KSuBiH uz saglasnost ostalih članica osnivača KSuBiH,
  - na inicijativu kinologa (uzgajivačnica, klubova ili udruženja), s tim da dobiju pozitivno mišljenje članica osnivača KSuBiH.
- Inicijativni odbori za osnivanje novog DPK, pismom namjere obavještava Upravni odbor KSuBiH o pokrenutim inicijativama. Upravni odbor KSuBiH u odgovoru na pismo namjere i donosi mišljenje.

#### Čl. 13.

Rasni klubovi koji su osnovani samoinicijativno i imaju pravni subjektivitet, kako bi mogli aplicirati za članstvo u KSuBiH, moraju svoje akte uskladiti s ovim Pravilnikom, Statutom KSuBiH i normativnim aktima KSuBiH, te dobiti prethodnu saglasnost članica osnivača KSuBiH.

### **PRIJEM U ČLANSTVO KSuBiH I DODJELA OVLAŠTENJA**

#### Čl.14.

Zahtjev za prijem u članstvo KSuBiH podnosi se Upravnom odboru KSuBiH i on ga je dužan uzeti u razmatranje na prvoj sjednici Upravnog odbora KSuBiH, po prijemu zahtjeva.

Nepotpuni zahtjevi za sticanje statusa rasnog kluba na državnom nivou i članstva u KSuBiH, neće biti razmatrani.

#### Čl.15.

Upravni odbor KSuBiH će odluku o primanju u članstvo KSuBiH donijeti na osnovu uslova za sticanje statusa članice koji se sastoje u sledećem:

1. da su članice DPK opšte poznati i priznati kinološki uzgajivači s registrovanim uzgajivačnicama;
2. da brojnost i kvaliteta pasa ukazuju na izvjesnost nastavka trenda uzgojnog napretka u budućnosti, a što se dokazuje uzgojnim linijama i uzgojnim rodovima;
3. da u DPK postoji stručan kinološki kadar koji ima uzgojne rezultate i/ili odgovarajuće kinološke kvalifikacije (sudije u ocjeni exterijera i/ili rada);
4. broj osnivača udruženja i njihova aktivnost u matičnim savezima;
5. broj uzgojenih legala od članova osnivača;
6. broj upisanih pasa rase u Rodovnoj knjizi članica KSuBiH, zastupljene u DPK;
7. broj uzgojene štenadi pasa rase u Rodovnoj knjizi članica KSuBiH zastupljene u DPK;
8. broj pasa rase koji su učestvovali i broj pasa nagrađenih na kinološkim manifestacijama, a zastupljene u DPK;
9. broj pasa rase sa traženim uzgojnim pregledom, a zastupljene u DPK;
10. ispunjavanje uslova koji definišu DPK, od čl.5. do čl.12. ovog Pravilnika.

ČI.16.

Upravni odbor KSuBiH, u cilju donošenja odluke o prijemu nove članice, može zatražiti dodatno mišljenje od nadležnih institucija ili organa KSuBiH.

ČI. 17.

U slučaju pozitivne ocjene podnosioca zahtjeva koji je utemeljen na inicijativu kinologa, nezavisno od KSuBiH ili članica osnivača KSuBiH, isti je dužan uplatiti iznos od 1.500,00 KM na račun KSuBiH kao dio participacije u troškovima uspostavljanja KSuBiH.

ČI.18.

O svojoj odluci UO KSuBiH će obavijestiti podnosioca zahtjeva i zahtjev proslijediti Skupštini KSuBiH na usvajanje.

ČI.19.

UO KSuBiH određuje nivo prava koje može koristiti DPK ili novoprimljena članica, a zavisno o ispunjavanju osnovnih uslova za sticanje statusa članice. UO KSuBiH može DPK ukinuti ili oduzeti dodijeljena prava ukoliko narušava usvojene kinološke norme i/ili ima negativan uticaj na razvoj kinologije i kinološke organizacije u BiH.

PRELAZNE I ZAVRŠNE ODREDBE

ČI.20.

Usvajanjem ovog Pravilnika prestaje da važi Odluka o formiranju rasnih klubova, načinu podnošenja zahtjeva za prijem u KSuBiH i pravima i obvezama članova (Vitez 23.12.2012. g.)

ČI.21.

Ovaj Pravilnik stupa na snagu danom donošenja

Predsjednik KsuBiH

Predrag Uzelac

Potpredsjednik

Perica Jukić

Potpredsjednik

Refet Hadži